

八瓊室金石補正

八瓊室金石補正卷四十

太倉陸增祥撰

男 繼輝校錄

吳興劉承幹覆校

唐 十二

新太令張文珪造象碑銘

高五尺六寸二分廣二尺七寸六分標首及撰人名
一行五十二字銘廿四行行五十五字姓氏二行字
不計正書帶
行筆在山東

大唐貝口通直郎行沂州新太縣令上護軍張文珪奉
爲二親敬造像碑銘 并序

登仕郎守紀王府典籤馮翊芮智孫撰

令息懷綺 嘉勛

昔聞金河證果果淨而綠空寶地所真真成而色滅用
能隨機誘喻雖異術而同歸汲引乖方亦殊源而共本
無相示相廣開方便之門非身現身競託宣遊之軌然
則龍宮妙典鷲岳微言莫不宏十力以救焚資四禪而
拯溺盪稽天之苦浪蔭之以慈雲廓蔽日之重昏承之
以法炬其有誼誠遐感大孝潛詆陟曾岵而想梵宮履
寒泉而思彼岸者卽新太令張君之謂歟君名文珪字
仁友清河人也卽常山王敖之後若夫茂緒開宗珥漢
貂於七葉靈源析派禪晉袞於三台傳鈞之慶不窮負

聖之榮相襲曾祖恩隨上谷郡遂城縣令庭喧溪□□
和自舞之鸞室響鳴琴引狎朝飛之雉祖客隨清河大
中匡青州司馬牽絲入仕馳令問於時談衣錦棲榮播
清徽於雅俗由是聲高海岱□比天齊顯考同操慶襲
箕裘孝廉應聘薛少微而曜彩且蘊價以揚名大業末
年任高密縣主簿屬炎行失御厲階斯起觸山奴黨鼠
竊蜂飛編戶遺毗鳥驚□潰脩虵犯蹕毒被蒼生封豕
裂冠矢流黃屋兇徒孔熾懼投迹之未□巨噬挺災瞻
故鄉而路絕言歸河朔幾傷羈旅之魂飲恨沂南獨弔
飄飄之□永懷棗梓空切慕茲斯顛莫從關山何極于

時窻身之地幸遇通家有泗水縣鷹揚府司馬太山羊君者卽襄陽太□祐之後也諱彪字仲武邂逅相遇斷金之契已隆樂莫新交傾蓋之情斯允昔伯通遇士慰梁鴻之五噫田文禮賢荷馮煖之三窟復有族人張道興者卽此邑之髦彥行高十室恩合五宗宗子之眷既深本枝之情弥切契闊踰於三祀艱苦窮於百慮茹藜啜菽既共戚而均憂撤少兮甘聊候時而卒歲君太夫人卽琅耶王氏絳郡太平令元顥之長女爲大舅道洽二舅道液竝花萼交映芝蘭通藪非禮勿居非義不取彈冠入仕譽滿金門執贄登朝光流玉潤不以利害宅

心不以夷險易質君乃追思聖善情切渭陽復以弄璋之初於此誕育隨珠自潔瑩之以圖流梁玉本奇澄之以方折貞心逾於郢桂勁節擬於和木器度溫雅風神散朗泊乎

皇階授木義邱初開再奉欽明全身仁壽以武德之初擢任舒州懷甯縣丞後遷始州武連令潁水祥星始應編珠之集扶津爰景候沉連石之暉貞觀八年遘疾終于私第春秋卅有二接聞姻朋踐芝筵而下泣投膠家友味蘭室而餐哀惟君良治克傳家聲載蔚歆樸類悟敏藝夙彰仁孝之道幼詒友悌之風潛扇宦成名立漣欸輸忠騰懿範於

昌期播清

芬於懋賞以文明元年授沂州新太縣令縣與□裏相
連卽慈親避地之勲聞問增感志切回心瞻露草而長
號仰風枝而永歎銜哀茹血追遠慎終艱六度之仙舟
轉三乘之妙躅於是設宏□□奉爲二親敬造尊像并
菩薩一十八軀崇勝業也瑞花承旦彩映青蓮滿月開
顏色含丹桂冥途資其解脫法界仰以歸依永潤身田
長濡性□□□□彈究竟施竭劬勞結妙果於閻浮證
□生於兜率識化城之非有悟火宅之無常於是敬從
尊容移居淨域寺稱白雉室照金容法侶仁□名僧間
出具敖東架忍樹伍陰徂來西峙慈雲吐潤北則宮山

孤聳有漢武之仙蹤南則汝水浮空覽子騫之遺跡瞻
言寶座永固金儀竟才石□長□□恒沙而不朽欲宣
此偈乃作銘云 緬尋妙典詳觀梵文七識馳驚

五陰群兮高懸法鏡瑩此重氛覺花承露忍葉□雲□
大雄□□能 洎道映弥天德兼初地生成惟一色

空無二方便宏辨抑揚鱗次

其二

爰屬有隨炎行告否黔

首交曹綵林斯逸猛噬波騰群兇岳峙眷言士庶

桑梓

其三

叡唐承厯重光應期聿遵帝道行宣孝慈布

此元德憑乎大悲經啓精舍乃建仁祠

其四

顯允猗人思

攀靜樹滌心淨海寄□號慕□

親式光冥路智燈

自明法流恒注

其五

蕭然梵域肅穆神儀靈顏若笑寶出

疑移風搖惠草露湛禪枝興言福地良津在斯

其六

敬飾

金繩于茲

滿周偈彫磐云整葉秀菴園花開蓮

井心力俱罄元功自永

其七

垂拱三年歲次丁亥三月乙丑朔八日壬申建立

僧行端 上坐義習 寺主行簡 都維那僧景

僧毛學 僧惠湛 僧法海 僧摠知 僧仁太

僧承寶 僧正真

儒林郎行丞騎都尉史威仁 登仕郎行尉騎都尉

范承禮 鳳州梁泉縣令庄傅夫人王氏 息許王

執仗務道 鳴砂縣尉務靜 濟王隊區務及

右碑完整磨泐無幾銘詞四行行末各闕二字拓
本殘損未必石泐也新太新唐書地理志作新泰
上有蒙山屬沂州懷甯屬舒州同安郡武德五年
析置皖城安樂梅城皖陽四縣是年省安樂七年
省皖城梅城武連屬劍州普安郡舊曰始州先天
二年更名此稱始州時未更名也梁泉屬鳳州河
池郡武德元年析置黃花縣後省鳴沙志作鳴砂
屬威州武德二年置會州貞觀六年州廢更置環
州九年州廢還隸靈州威州本安樂州徙鄯州又

徙靈州咸亨三年以靈州之故鳴沙縣地置州至
德後沒吐蕃大中三年收復更名威州碑立於垂
拱三年當隸靈州也清河郡後周置貝州首行缺
字當是州字又案清河舊曰武城置清河郡開皇
初郡廢改名上谷郡開皇元年置易州大業初置
郡遂城縣開皇十八年改此稱上谷郡遂城縣是
恩爲縣令在大業置郡後矣高密屬高密郡開皇
初郡廢大業初復置郡此不言郡據志則時已復
置矣泗水縣開皇十八年置絳郡後魏置東雍州
後周改曰絳州太平後魏置後齊省臨汾縣入焉

隋因之又正平舊曰臨汾置正平郡開皇初郡廢
十八年縣改名焉大業初置絳郡此稱絳郡太平
令是元顥爲令亦在大業置郡後矣煬帝時朔衛
府加親侍鷹揚府府各有司馬此稱鷹揚府司馬
大業時官也隋百官志上上郡太守上上縣令屬
官皆有中正無大中正之稱此云清河大中正者
當亦煬帝時所改也常山王敖者漢張耳之子唐
書宰相世系表河間張氏漢常山景王耳之後是
其一派漢貂七葉卽指張耳而言晉袁三台指司
空壯武公張華而言唐百官志王府官典籤二人

從八品下親事府隊正亦從八品下執仗十六人
典軍領之宗室世系表太宗子慎封紀王高宗子
素節封許王濟王之封不見於表而蜀王房後有
爲濟王府戶曹參軍者章懷太子房後有爲濟王
諮議參軍者竊意濟王之封當亦高宗之子武氏
誅滅唐宗濟王之後蔑如故表亦闕略耳至元宗
子環封濟王則後此數十年也誣誠當卽至誠字
巢補云誣同誣蓋誤太孝潛詠仁孝之道幼詠詠
字不見於字書疑卽該字彪作彪避諱字曾此曾
古層字

上護軍龐德威墓誌

方一尺七寸四分三十二行行三十一字正書字徑四分有界格在威甯

大唐故上護軍龐府君墓誌銘

并序

君諱德威字二哥南安人也簪三方鼎峙王道申其爪
牙六國權衡霸圖重其謀略泉原潛極遠派靈長擢幹
扶疏脩條茂茂公卽其後也曾祖隆周任益州司倉叅
軍事贊兮符於玉壘佐剖竹於銅梁仁教以之傍融政
化因而遠被祖慶隨任潞州上黨縣丞德宇奇廓器量
淹深百里仰其成規一同資其善政父師隨任廣州司
馬嘉謨自蘊妙善非因灑落風煙超擢雲漢輔兮珪於

五嶺道洽泣珠之鄉楊別扇於三湘恩浹落星之境公
則器惟瑚連性乃珪璋岐嶷表其齡年魁岸章其冠歲
英姿挺秀天骨標奇立行可模出言成範明明令德莫
測其淺深滔滔雅量詎知其遠近神機獨運吞鎮北於
旬間智略兼人拚征南於度內深衷海濬壯志山高學
盡五車書工八體控雕弓而屈右落鴈啼援張空拳而
啓行批熊拉武往以三韓未附鯁壑驚波九種猶迷鰲
津駭浪公荷霜戈而奮武揮星劍以臨戎勇若鯁諸捷
如慶忌遂授公勲官上護軍酬勞効也魯叔敖知履尾
之懼不受楚國之封仲連怯觸鱗之威竟謝齊君之祿

公深明心足之誠遠識無厭之談乃謝病辭朝自樂馬
游之乘追驩宴友方欣陸賈之田怡怡弟兄恂恂鄉黨
不謂輔人虛說天道無徵二豎纏病兩楹興歎名香何
在唯增啓足之悲神竈空傳詎免遊魂之怨以乾封元
年十二月十七日寢疾弥留卒乎私第春秋六十有八
琴臺月上永息陽春之音金埒風生誰控桃花之騎夫
人王氏其先太原人也侍中遊覽警魏閣以流芳將軍
卧病開秦基而演慶祖尙隨任銀青光祿大夫相州長
史父暉隨任潞州司倉並珪瑋其質松栢其心處渥不
緇凌寒轉翠夫人騰姿月魄稟質坤靈道冠三從行該

四德品搖空之舞雪特妙因風辯絕響之哥絃懸明第
次承巾奉食重德輕爲禮逾晉缺之唯義越楚莊之室
雖良人座質弥軼畫眉之情而剋已明心以表輕身之
詠豈謂百年難續千月易窮倏奄夜臺俄解白日以垂
拱三年歲次丁亥十月六日卒平私第春秋七十有六
單鳬獨逝已悽潘子之懷兩劍雙沉遽切丁君之慮卽
以其年十一月辛酉朔廿二日壬午合塋于四池之側
禮也青烏獻兆甯惟千載之墳白鶴占原自應三台之
氣孤子行基等仰蒼穹而無色擗黃壤以崩心痛結慕
我哀纏陟岵恐山迴牝壑海變桑田爰紀芳猷式刊貞

珍其詞曰

惟岳降靈惟天降昴誕茲明哲信

邦之寶式贊

皇基爰扶

帝造功成名遂

身退天道

其

昂昂挺秀鏘鏘雅士脫略公卿跌宕文史

盛德推賢謙撝克己妙閑韜略尤明宮徵廿日琳琅時

稱杞梓

其

易美家人詩光女則登機成素之田奉食海

曲和鳴河洲比翼孝該籠水慎深攀棘月隔嬭帷舍貞

抱直

其

匣中雙劍先後俱沉泉中瘞玉地下埋金荒郊

引霧寒壑凝陰佳城鬱鬱逝日駸駸一歸窮壤誰明恨

心

其

德威字二哥以下文辯絕響之哥絃證之歌絃通作

哥絃則二哥之字亦二歌所通也非哥弟之哥後漢書引哥永言唐書注引屈原九哥其見於碑版者如北周華嶽頌云清哥緩節唐孔子廟堂碑云猶鐫哥頌張琮碑云哥兩岐于全吳蓋文達碑云仁風表于弦哥杜夫人誌云而短哥之可作皆哥歌通用也又誌中拚作拚鴈作鴈批熊拉武避高祖祖諱改虎作武尾作尾歡作驪纏疴作纏痾寢作寢涅作涅瘞作瘞敘德威之父曰揚別扇於三湘恩浹落星之境長沙布政司治後有落星石湖南通志及府縣志皆未及載始見於此

古誌
石華

右墓志三十二行行三十一字正書字徑五六分行
間有棊格龐府君及其父祖皆未至顯官故姓名不
見於正史然此文駢體楚楚可觀文中有往以三韓
未附云云攷唐自高宗初年用兵伐高麗突厥賀魯
契丹鐵勒龜茲吐蕃百濟新羅諸蠻等以迄於乾封
征伐無虛日德威蓋身歷戎行僅得勲官而卽退歸
者也世俗於父母之喪父亾稱孤子母亾稱哀子父
母俱亾則稱孤哀子然攷儀禮士喪禮士虞禮及禮
記雜記於親喪皆稱哀子王制少而無父者謂之孤
孟子言幼而無父曰孤則曲禮孤子當室郊特牲孤

子深衣孤子衣純以素皆謂其少而無父者言之矣此志稱孤子行基等其時係合葬父母而不稱孤哀子雖當稱哀子而稱孤子於禮亦未盡合然正居母喪而不稱哀可見唐初尙不以孤哀爲父母異稱也惟就愚所見如唐貞元六年韋公夫人王氏墓志爲其子撰書自稱哀子元和十年魏參軍邈墓志亦其子撰書自稱息孤子皆與今同可見此等俗例已起于唐季厥後相承行用而不知其非故司馬溫公收入書儀然孤哀子之稱於唐刻尙未之見也文云批熊拉武以武爲虎乃避諱改字

古泉山館
金石文編

案姓纂龐氏本望南安戰國時魏有龐涓趙有龐煥
三國蜀有龐統誌所稱三方鼎峙王道申其爪牙六
國權衡霸圖重其謀略卽指此也誌云三韓未附九
種猶迷奮武臨戎遂酬勞効蓋太宗高宗時既平北
荒亶西域用兵高麗龍朔二年定天山九姓德威時
在行間也乾封元年年六十有八則生於隋文帝仁
壽二年夫人垂拱三年年七十有六則生於煬帝大
業八年少德威十歲誌銘雅馴書法整秀惜撰書人
不著稅茂見左太沖吳都賦鬱兮稅茂方言曰凡草
生而初達謂之稅

金石續編

此志未載葬地云合葬於四池之側據景龍四年顏
瑤誌云歸葬於雍州萬年縣四池坊之北則四池坊
名也萬年今咸甯縣

筠清館
金石記

案哥古歌字說文哥聲也从二可古文以爲哥字
哥卽歌之或字廣韻云哥古歌字此作哥者蓋用
古文也以表輕身之詠用以作已舍貞抱直舍乃
含字之譌石華載此首行脫并序二字玉壘作五
壘淹深作奄深善政作美政挺秀作桂秀往以作
任以謝病作謝廟皆誤舍貞作含貞以意改之而
石本實作舍

朝請大夫陳護墓誌

高一尺四寸二分廣一尺四寸廿一行行
廿一字字徑五分正書方界格在武功

唐故朝請大夫陳府君墓誌銘

并序

君諱護潁川人也昔釐降二女唐堯安洪水之災運
六奇漢祖免白登之敗其後太邱之長道貫聚星河
之才文光倚馬地靈相繼時英不絕曾祖並絕幹干尋
斷山萬仞一遺發簾金之彩五車覽群玉之書君姿靈
秀氣誕粹冲和澄雅操以霜明照清規而月舉踐義爲
勇履孝成忠漸礼義之膏腴嗣箕裘之聲訓藏器而逢
亂代進德以及明時爰厲義師暫披誠款拒鋒後殿環

甲先登雕弓挂滿月之輝雄劒耿長天之色蒙授朝請
大夫賞有功也既而輕忽簪組踞傲泉石魚山騁望懷
子建終焉之心鵬海驚濤養孟軻皓然之氣惜乎浮生
易及七百之壽未階飄忽難留千月之期行盡以上元
元年終于私第春秋一百有一夫人蔡氏卽以垂拱四
年正月廿三日合葬於三時鄉禮也子文德仰高天而
垂弔踰厚地以纏哀恐舟壑潛移莫辯藤公之室海田
斯變不曉原氏之阡式誌陰溝迺爲銘曰

至矣夫君超然不羣事君以敬在家必聞信著明執義
□仁恩早霑舜雨夙奉堯雲提弋杖劒掃祲除氛

謀

□

□略功橫大勲脩路頓阻昭代俄昏落徂光之□□□
長夜之歸魂起寒烟於檟燧下白露於松門□□□□
百代後甯知埋玉此邱墳

志言陳府君卒於上元元年春秋一百有一以時代
上推生於陳宣帝太建六年歷隋而至唐高祖武德
元年纔四十五歲耳又七年而唐始一統纔踰五旬
文云爰屬義師暫披誠款蓋於唐初投軍立功而得
官者然其後云蒙授朝請大夫賞有功也攷唐制朝
請大夫乃文職從五品之散階不爲小矣然既屬文
職又係散階而非實除之官皆不可解志不載父祖

之名以會祖二字籠統括之可見其出身單寒並非名家子弟矣而美其先則云一簣發簞金之彩五車覽群玉之書稱其才則云漸禮義之膏腴嗣箕裘之聲訓可謂浮泛不切但知諛墓者矣其書浩然爲皓然滕公爲滕公於假借之義可通而誤易天爲易天提戈爲提弋皆別字又以遺作簣以踏作躋皆繆體也其志墓而曰陰溝亦宅刻所未見文但言葬三時鄉而不言縣名攷五時四時之名起於秦漢而無三時據漢書地理志五時等皆當在右扶風雍縣唐時設雍州以武功好時等隸雍又攷宋長安志云武功

縣西南二十里有三時原西入扶風縣界武功亦漢
縣而隸右扶風者三時原恐卽此志之三時鄉也第
不知所謂三時者何所指耳志言其潁川人當是舉
陳之舊望此志想亦近出關中未審於何縣掘得五
時之名予已於漢好時鼎攷內詳之矣又攷廣韻言
陳姓周武王封舜後胡公滿於陳子孫以國爲氏出
潁川唐書宰相世系表亦云陳氏出自媯姓虞帝舜
之後故此碑首用釐降二女事

古泉山館
金石文編

按陳護志石道光十二年出於武功十三年米脂知
縣及門顧鶴寄到拓本僅闕十餘字三時鄉之三字

勛存末畫元和郡縣志關內道京兆府武功縣有三
時原在縣西南二十里高五十丈西入扶風縣界卽
此志所稱三時鄉也高宗上元元年甲戌護年一百
有一則生於陳宣帝大建六年甲午夫人蔡氏以武
后垂拱四年戊子合葬距護歿時十有四載蓋亦同
享大年者倨傲作踞浩然作皓滕公作藤並借字遺
僣別文籀作籀易作易天作𠂔戈作弋皆誤筆非借
也

金石
續編

踏厚地以纏哀踏卽踏字瞿氏釋爲躋殆非

慧蹟塔記

高一尺四寸廣二尺五寸十八
行行字不一字徑寸許正書

維大唐垂拱四年歲次戊子四月戊子朔八日乙未昔
有慧贖禪師在此山門住持五十餘載精勤勇猛志操
嚴凝感應靈竒通明異絕英聲外播道□遠聞禪文與
七覺俱清戒品共六根同淨研精二諦覃思一乘爲世
福田信堪依怙抽資什物謹捨淨財敬造斯塔一所奉
爲皇帝陛下師僧父母普及含靈存亡眷屬盡願超
踰俱登覺道

童子順貞 普超 智曇 智□ 同秀 智通 如
光 崇烈

石慧蹟塔記在山東未見著錄

左領軍衛將軍乙速孤神慶碑

載初二年二月十九日
萃編載卷六十一

篆額題檢校左領軍衛將軍上
柱國乙速孤府君碑十七字

俟有道

缺俟字

寄待有德

缺寄待二字

剏極剖天

缺極天二字

闕寓

大君

缺寓大二字

譬涉海而乘雲多士聿興仰

而雲外九字缺

垂大

名

垂誤二字

之傑

缺傑字

房口以天戈耀象

缺房天戈三字

開鳳舞之

祥

缺開鳳舞三字

星秩

缺星字

以光

缺光字

齊功可遂

缺齊功二字

其勲

官族著

其下四統緒字缺

顯

作地垂誤

有命承家

家上三字缺

居寵

缺寵字

以周

缺以字

輅奉春異鍾鼎之門

門上七字缺

漢殿

缺殿字

田秋

缺田字

之操

缺操字

儀同三司皆附

三司外四字缺

隨和

缺隨 右庶子缺右 齊前鋒缺齊 右六府缺右 六儀同缺

字咸以缺咸 一心缺心 逾隆缺隆 右武侯右武外 三鳳字缺

德缺 鳳河目龜文識公文外 五雷英踔俗英外 三駭矚

駭誤 候風雲而戢景缺候 景開天缺天 翼日騰精缺日

字于時邑居居上 三豪俊缺俊 龍田缺田 涇陽卽蒙涇缺

卽二 恩命缺命 長州長誤 之資任右資外 三阻玉華亂

玉外三 津而未津誤 津奉陪八校缺奉 校又征缺征 破

武周缺武 周四舉缺四 英圖百勝缺英 圖因機缺因 雲

火缺火 以巨猾缺巨 猾以大盜缺大 盜連雞缺雞 與國

字缺與 太宗缺太 掖誤 蜚駟缺駟 弱甲相依缺甲 相元苻

缺元 餘孽 缺孽字 圖南阻 缺圖阻二字 之長川 缺長川二字 因遂 缺因

字 賜物 口段井口 井上三字缺 復著奇勲 缺復著二字 勞止

缺止 深榮 缺深字 長上 缺長字 大袍 缺大字 鸚侵 缺侵字 虹竭井

缺虹井 反氣 缺反字 殄茲方命 命上三字缺 十旬不出 不外三字缺

代耶承乾 缺耶乾二字 去戰 缺去字 方從 缺方字 驅禮義以為禽

禽上五 長上 缺長字 七年賜綰一百正 缺七年正三字 學而時習

缺學而 於函丈功成不居 居上六字缺 坐大樹 坐誤至大字 薄遊

之志每深 缺薄遊三字 長春府 缺春字 仍於永豐倉留守 仍下六字

缺 璇極西傾玉 極外四字缺 皇輿帝阜 缺帝阜二字 風雲 缺風字 日

月董司戎禁載仁忠賢 忠賢上八字缺 十七年以震宮 以外五字缺

軋心佇□乃

軋下三字缺

詔曰

缺曰

計畧沉遠

缺計畧二字

宜加

榮擢周衛儲闈

宜下七字缺

振景絳地

缺振地二字

共蒂蒼琅琅上

三字

比節同柯十九年馬邑

比下八字缺

踰於驟山

缺踰山二字

之陽

缺之

碣石洗天兵於海島時

碣石下七字缺

玉裕

缺玉

擒縱

於下二字缺

方主

方下二字缺

監撫

缺撫

命公等□奉儲

闈

缺命等

還輟趨巷偏

缺還巷偏三字

九晝已摧唐頌之心茹

痛三年

九已外十字缺

太子

缺太

郎將

缺將

援琴

缺琴

樂風

缺風

字改燧

缺改

振玉

缺振

高宗卽位之後授

授上六字缺

才宦

雙美

宦外三字缺

率徐邈授經之彥師表攸存

率下十

西京

缺西

五牛

缺牛

東洛

缺東

既委

缺既

左領軍

缺左

駕幸

并州

勅公於并州

并州上七字缺勅上空格誤作三

銜珠耀於

□井

缺銜井二字

惟循秩

缺惟循二字

以

□□建功茂仲以主門

門上七字缺

必壽

缺壽字

而位未極於鈞璜

缺而位鈞璜四字

問望周

之浦

缺問之浦三字

觀魯

魯誤曾

廿四

缺廿字

疾

□□

薨於

缺薨於二字

之私第春秋六十

六十上五字缺

興悼

缺興字

時承厝

缺時承二字

以

從先百禮也惟公降象辰緯誕靈

誕靈上二字缺

德光寶璧

缺寶璧二字

紫氣

氣誤

殊狀

缺狀字

吐青山

缺吐字

克岐

岐誤

行

之靡失越而有訓則奉以無違

行下十二字缺

瞻梓無以措其

徽

無外六字缺

過折襲無以申

無以外四字缺

泊乎厯丁

缺泊厯二字

毀

減

缺毀字

于時乃有巢鷦乳於倚廬觀聽嗟異古今

古今上

四字 永慕栖雛翟上四 虛檐缺檐 鵲見於池沼沼外

五字 以友于成性以下四 屢極缺屢 有慰缺有 姜室姜缺

字 為其長奉上斯睦撫下惟仁韓韓為下十 自筮缺筮

誼切誼誤 不干卜式缺干卜 未給缺未 財逾巨萬一無

所取咸以讓焉遐迓嗟伏財伏外十 教義缺教 蕩覆缺

字 弥喪缺喪 擲書劍缺擲 戟枝缺戟 取睽缺睽 金遺玉

堂盡殪戎之術所以革車每次大慙大慙上十 慮靡遺

策策上三 自伐缺自 然而而誤 積稔缺稔 厚惠缺惠 高

蹤魯連豈唯於蹈海安平卑位曷蒞遂勞於高下十 大

雅君子缺君子 或良弓嗣美誠在孝而斯勇寔致果而

為雄或下十心無缺心於必復缺必復經哀缺經靈索

索誤 畫莫克遺芳天祿藏書方成靈簡欲垂不刊刊上

字旌斯烈斯外二於千齡麓徙缺於麓名懸日月氣凜

風雲誰其克紹卓矣夫君緒派名下十望隆缺望宦族

字缺 有輝旗章缺有章斯謀缺謀亮狀缺狀不憊憊誤

公山缺山運屬時屯道參人傑鵬圖鳳舉雲迴風烈濟

水運下十才高司階司外三未登台室遷奄佳城哀纏

國寶痛結人英樹慘王未下十楊凋楊誤方兼烏墳下方

三字 月冷冷誤隧路缺隧缺徽烈缺徽

載初二年歲歲上四庚寅缺庚二月缺月日景寅缺

寅二字

碑約三千餘字此舊拓本不可辨者止六十餘字元和姓纂乙速孤氏代人隨魏南徙河南後魏儀同乙速孤明生臺梁郡太守生貴北齊和仁公隋左庶子貴生安晟安晟生神慶以碑證之既誤以貴和仁郡公爲北齊所授又合安晟爲一人并不載其官爵此集古錄所以譏其闕謬也

平津讀碑記

据吳氏舊拓本校補孫氏續古文苑載此全文而待有道待作侍譬涉海譬作儼并缺涉海二字特杖作倚拔長州三見均作萇州元雲入口作入戶

承軋作承祧九畫作九日右衛郎將郎將上多一中字折夔作折捶奉上作居上惟仁作以仁擲書劍擲作鄙波溢作空器表器作氣皆與此不同碑書欹薄作憤薄曼倩作曼倩又按隋書地志無和仁郡惟貴平縣注云西魏置又立仁和郡開皇初郡廢疑仁和卽和仁之誤倒

金臺觀主馬元貞按龍記

高四尺四寸廣二尺八寸八分共十四行行字大小俱不等在唐縣

而璠二季歲次辛卯四④壬寅朔一⑤壬寅金臺觀主馬元貞奉 勅大周革命爲聖神皇帝五岳四瀆按龍

作功德於此淮瀆爲國章醮遂②抱重輪祥雲顯彩五
鶴壇上縈繞徘徊天花舞空若素雪而飄颻其時官人
道俗八十九人同見

弟子楊景

鳳

郭希元

內品官楊君尙

歐陽

智琮

承議郎行桐柏縣令薛□

唐州錄事安

智滿

承議郎行桐柏縣主簿韓元嗣將仕郎

守淮清令□

禮徵

桐柏縣錄事趙德卒

里缶

樊客安

陳智興

趙文昌

佐史□懷素

向

思榮

張宏節

祝史樊恩通

樊文緯

田元

幹

老人何惠湛

樊武弁

樊九徵

樊貢

鑄匠筆脩祖

馬元貞題名同時有五一在山東泰安一在曲阜一

在河南登封一在濟源此則設醮淮源而題也

筠清館金

石記

東市署令張君妻田氏墓誌

方一尺九寸廿九行行三十
字字徑五分正書方界格

大周朝散大夫上柱國行司府寺東市署令張府君妻
田府門縣君墓誌文

錯絡緹緇彈陵縹帙命民胥庭之表得姓皇軒之胤周
漢蔚興曹馬弥盛或封茅土而列子男或剪珪桐而惣

侯伯擊鍾鼎食紱橫於六國之奇動珮鳴珂響亮於二
劉之際衣冠簪紱可略言焉祖德家風則廌門縣君也
曾祖達隨魏州冠陶縣令懸車捨仕灌園自樂祖文政
唐沛王府大農器局宏壯基宇高深鄉黨挹其風規縉
紳推其道義父什善鄆州三川縣令廊廡其姿瑚璉其
質冰潔其清玉潤其白豈以臨淮朱寄吏敬其威獨郡
張堪人歌其惠固可擬儀哲幹淮的黃陂鳴弦素翟之
馴製錦朱鸞之儼其縣君卽明堂縣人也交川降德龍
嶠誕靈端淋爲姿婉柔成性聰惠明辯廣讀詩書兼善
管絃知音絕代無嫉無忌惟孝惟貞每以雞曙傳音無

不晨而問舅落鵝汎彩會晚拜以叅姑內外所以和安
大小咸其無怨論其婦德實曰成家假若張氏修箴懸
知少伴曹家諒誠之是無般何煩苦說三從深陳四德
者也頃以儀鳳之歲出歸張氏一經繾綣十有三季當
時洛浦親迎芝田引駕雙輪轉路五馬連珂燭光將扇
⑤爭明花影共樵蹊競色異与南山比壽北極齊年何
期積善無微禍殃先至雖越人秘術不救將至之魂秦
媛神方寤駐欲歸之魄痛芳樾之墜險悲翠柳之凋眉
哀隼影而無依歎孤魂而何託春秋卅有三以而穉二
季五⑤十六②薨於萬年縣平康坊之私第嗚呼哀哉

哀子承家等悲纏相坐殆莫能興痛貫門而杖而後起
一溢之禮不逾酌飲三季之喪情過泣血其張君遠嗔
王生違詩不哭近嗤庄氏越禮益歌覩明鏡而傷神對
空牀而泣簾以其季六十三遷窆於城東龍首原長
樂鄉王狀村南一里向南与壽春坊路通也其塋北帶
涇渭南望秦原四塞之固名簪安葬自無殃柩必出公
侯于時晝輜東送侍髮排進風雲隱其郁彩蔽沉其
霞影田歌起頌行路興少友之悲楚吹傳聲親戚恨上
牽之歎恐之深遠防馬臘之荒權援立斯題紀標
刊石其詞曰

家傳烏奔族茂蟬聯安平五里賓客三千朱邱流盼綠

輶鳴絃霜高白雪⑤上青煙⑥其飛皇啓地丹鳳來儀穀

城秘府薛縣多奇道義膠沫芳蘭被涯千金白首一代

清規⑦其閨門令淑綺帳流芳昔聞秦晉今是潘陽聲同

琴瑟風度筠簟三○百兩峯久而長⑧其鳳樓絕響鸞匣

沉輝桂花夕落薤露朝晞白楊風新翠櫓煙歸紅顏掩

芳隴黑素質秘方泉扉一朝并寔萬古霏嶽⑨其八

還以其率歲次辛卯六⑩庚子朔二⑪壬寅

右東市署令張君妻田氏墓誌標題稱司府寺東

市署令龍朔二年改太府寺曰外府寺光宅元年

改曰司府寺此在天授年故稱司府達官魏州冠
陶縣令隋書武陽郡後周置魏州有館陶有冠氏
而無冠陶縣疑是館陶之誤文政官沛王府大農
章懷太子始封潞王徙王沛又徙王雍親王國大
農一人從八品下自無殃樞樞當是咎之誤畫輜
畫當是畫之誤

益功參軍張元弼墓誌

不高一尺七寸三分寬一尺六寸五分
廿五行行廿五字正書在襄陽張公祠

唐故益州大都督府功曹參軍事張君墓誌銘

并序

司元大夫李行庶撰

府君諱元弼字神圭范陽方城人也閎閎遊宦之資詳
之碣文別傳五歲而孤志學伏膺於大儒谷鄉律律爲
諫議大夫紬書秘府府君以明經擢第隨律典校墳籍
八儒兮畛五墨殊途劉歆析九流之區域鄭默辯三閣
之同異五十五部冊四家訪甯朔之新書禮窮莊敬覽
南陽之統論易盡精微緘寶秘文委薶前記並登靈府
一以貫之逸思煙迴清飈霞舉言同神遇理叶而成七
從職爲益州府功曹叅軍事以賢良徵用入甲科未拜
職以龍朔元季五④十九⑤終於洛陽春秋五十有五
夫人吳興丘氏以永昌三季九⑥三⑦終於私第春秋

七十有九東之識不遠遠稟質愚昧越詩禮之訓承顧
復之恩早預微班驅馳賤役自禍蒼昊諸弟皆幼夫人
勞斷織之訓深嗟指之慈刻心提耳孜孜不倦今蘭發
玉暉多從化往唯東與晦僅存喘息三復規誠萬古不
追奉夫人遺誨使改卜新塋府君先窆南山今移與夫
人合塋於安養縣西相城里之平原府君友人司元大
夫李行廉撰銘東之等不敢改易謹刊李銘以存不朽
其銘曰

廷尉名卿東阿良相積慶鍾美清微遐暢顯允哲人克
標令望憲章顧府罕籠舒向氣芳蘭芷價重璵璠望之

逾霄卽之也溫高情^⑤舉逸調霞軒彫章綺合縹藻○
繁爰廕篁仕彈冠奉檄式佐名邦盤根遽析乃昇州部
平反著績孰謂蹄涔能中海擊濯纓金秋主吏銅梁善
立惟敬譙道以光白生虛室穎曜雖囊焚林仁秀遠應
明敷縱掉江波觀光洛浦調高文囿思盈書圃摧第金
門淪軀泉戶未終干曰俄成萬古吊賓絮酒貞龜卜筮
風急長原雲亘荒隧佳城莫啓幽塋永閔元石圖徽芳
塵不墜

予守襄郡之王寅春席子介石于田塍間得古碑三
石又于臨漢門外得三石剔苔檢讀捐以示予一爲

故唐功曹參軍張公元弼洎夫人邱氏合葬墓誌銘
蓋漢陽王柬之父母也一爲處士景之則漢陽王之
弟而功曹君之弟二子一爲新定太守朏則漢陽王
猶子其豫州郾縣丞孚河南府參軍軫二碑一丁鳳
譔一呂巖說譔則皆漢陽王孫也字迹完好逼近褚
虞攷其地爲樊西之長豐洲卽墓志所云安養縣相
城里之平原洲屢爲襄水所齧不復辨邱壘矣憶古
墓犁爲田松柏摧爲薪之句不禁黯然今六石尙置
樊城之跨鶴樓予以王有故宅在城外二里許後改
爲衍恩寺康熙間太守尹會一祀王于其中因名張

公祠則此石移置公祠廡下爲是事未舉適有武昌之行爰跋數語識之俾人知數石當與羊叔子墮淚碑同爭不朽矣羊太傅祠前向有石幢宋慶厯七年范文正諸賢題名其上王阮亭過襄尙搗諸賢之姓名而去矧爲漢陽王父母若弟若姪若孫壙中物哉

噬古者尙共寶之

長白典
存跋

樊城郭西三里許今之長豐洲古屬安養縣唐漢陽王張公柬之祖墓在焉而無知者考郡誌秦漢時萬山以東漢水之南爲襄境萬山以西漢水之北爲鄆爲鄆三縣均隸於鄆襄陽名縣自漢以來至今莫改

鄧之爲縣不久卽廢西魏中改鄧城爲安養唐天寶
元年又改安養爲臨漢貞元二十一年復改爲鄧城
宋仍唐制兩縣分境而治南渡後始省鄧城入襄陽
安養舊界今雖悉考嘉慶間猶見南濱抵萬山里許
洎漢水橫嘴十餘年中內地者十餘里道光元年土
人得唐時夏侯夫人梁君嘉運二誌石於水濱觀察
吳公移置鹿門書院士林寶之璘每過讀輒興感焉
今二月中同伯兄珩掃先祖墓尋視新淤舊地平野
見誌石八片迥非俗物詢之居人十許年前得於頽
岸三遷而後至此璘心竊愛之恐其再沒風沙而艱

於移運屢商同志七月望日始踵前約是日以他事
過襄又見三石於臨漢門外讀其文皆張氏塋中故
物問所自則亦今二月中漁夫得之北岸以待售者
亟購之歸安置跨鶴樓誌銘篆蓋共得石十一片其
字不名一體皆可臨搨夫疆域有沿革山水有崩淤
古人立誌原以防滄桑之變易長豐洲廣袤數十里
其中墓石何止千百而先後出諸水者僅此數片又
皆張氏一門之物又皆爲璘見而集之是可異也新
唐書載王世系與荆襄二誌繁簡不同斯石記事半
爲諸書所失載張公功在社稷彪炳史冊府誌雖有

墓在穀城涓口之說而徵考實無確據此不能無闕
疑焉道光壬寅七月十七日記 壬寅二月余初見
河南府參軍諱軫一石瞥眼相過寶光煥然如新發
矐次日視之仍如常石此一奇也次獲新定太守肱
暨參軍軫與夫人合葬二石塵沙彌漫封埋尺餘鄉
人漫指其處一掘卽是此二奇也再獲益州功曹參
軍元弼暨處士景之豫州鄆城丞孚三石於臨漢門
外天方平旦余行本欲東若有人導之使西而遇斯
石踰日余卽有千里遠行倘稍遲誤將恐不果獲矣
此三奇也戊申所獲孝廉慶之秀士諱點穀城縣令

諱曠三石展轉購求之艱難更僕數而已酉所獲將仕郎敬之一石河伯風伯若或爲助不先不後不入他手此四奇也其中篆蓋或先誌銘而出或後誌銘而出上下十餘年相去十餘里合之若符均爲一家故物則又奇中之奇者焉張氏聚族而葬其後更有出者不可得知獨惜王之長子著作郎諱漪一石爲廣西臨桂孝廉唐子實購去海豐吳公子苾方伯爲余轉求而不獲此其闕陷之處又余之不幸也然余有此幸獲不過一時之偶遇竊願後之君子重其人珍其石登之誌乘相傳不朽則更幸甚咸豐元年正

月八日又記

席方
璘跋

右張元弼誌今在襄陽張公祠張氏諸誌先後出
土詳席氏跋內曩在京師僅得張軫誌拓本丙寅
冬始得其全戊辰冬又得張濟一誌而席氏所謂
闕陷者乃具備矣合而讀之世系表多闕謬分識
於諸誌之跋而統係於此以資補正元弼曾祖宏
策梁岳陽王諮議參軍祖玠後周宣納上士隋巴
州錄事參軍父則隋比陽豐陽二令元弼六子長
柬之字孟將相武后中宗漢陽王謚文貞贈司徒
次景之字仲陽次慶之字仲遠次失名次敬之字

叔審將仕郎次晦之左率府兵曹參軍東之二子

長漪著作郎次嶧漪四子長孚字孟信郾城縣丞

次慈左補闕

誌作邵王府掾或非最
後之官當仍其舊稱

次騶荆府倉

曹參軍次軫字季心河南府參軍字子紕軫子緝

紹改名緝紕子迪嶧二子長愿吳郡太守江南東

道採訪使次黠字子敬愿八子煦殿中侍御史弟

八子曠字繼明穀城令曠子珣珣璟景之子嶠

嶠子述晦之子肫字肫新定太守肫子回又表載

東之之子有晉州刺史琪者以珣珣等名例之當

是東之之元孫行又載漪之子有某戶部郎中異

大理評事者亦誤據誌滿無是二子也又載有名
繼者當卽囑之誤耳 誌云閱閱遊宦之資詳之
碣文別傳則元弼固有墓碑此其埋諸土中者也
碑碣不存或踏毀於神龍年間趙德甫書載有東
之碑系貞元十二年所追立谷那律史有傳魏州
昌樂人嘗爲國子博士遷諫議大夫兼宏文館學
士卅四家四十作卅黃山谷澹山巖詩二十作廿
瞿氏謂詩體七字欠一字便不成句此誌卅四家
句與上五十五部爲對偶亦欠一字可見古人不
拘拘於是也簣卽簣字箱類與篋同義委薺疑卽

委宛譏文者李行廉官司元大夫攷龍朔元年改諸司郎中爲大夫二年改戶部爲司元光宅元年改地官此誌尙稱司元者蓋行廉撰元弼墓銘尙在窆南山之時故無一語及其夫人迨移與夫人合葬仍用前銘而東之自加序文故云東之等不敢改易謹刊李銘也觀此又可知序文爲東之所撰矣誌又云奉夫人遺誨使改卜新塋府君先窆南山今移與夫人合葬於安養縣西相城里之平原而景之誌云以大周天穉之三季而因六回改卜先墳於安養縣之西相城里則此誌之立亦在

天授三年無疑永昌無三年永昌三年卽天授二年辛卯夫人卒於辛卯九月葬於十一月時用周正以十一月爲明年正月也武后以天授元年改國號曰周志書永昌不書天授標題稱唐不稱周東之誅武復唐之意已著於此時矣

處士張景之墓誌

高一尺三寸一分寬一尺三寸三分十七行行十七字字徑六分許正書篆蓋題大唐故處士張君之銘九字在襄陽

□處士張君墓誌銘

并序

君諱景之字仲陽功曹府君之第二子也沉默少言博

涉史傳每慕於陵仲子之爲人好稼穡樂名教家無擔石之儲晏如也不應州郡之辟專以琴書自娛春秋冊有四以唐之咸亨四年十二^⑤十二^⑥卒於家子嶠志學而孤俯逮成立而不悔禍俄隨怛化嗣孫遜歲在垂鹵奠醑攸託望釐孀藐遙相昇附固乃哀經中外痛傷心目者焉余與晦之以爲小年雖遠大暮同歸松城合北蒸蒸有寄乃以大周而繼之三^⑦年^⑧六^⑨改卜先塋於安養縣之西相城里移諸兄弟並窆於新塋之內青烏効吉白楸速朽惟堯典與孝經共而長而塋久乃爲銘曰

念彼生涯循茲怛化川有閔水^⑩無停

駕共惜小季同歸大夜令範將煙霞俱遠儀形與炎涼
並謝痛萬始之不留獨汎瀾而長喑

右張景之墓誌在襄陽景之漢陽王東之之弟誌
稱功曹府君者卽元弼也云移諸兄弟並窆於新
塋之內者謂慶之敬之也景之及其子嶠其孫遜
均可補世系表之闕具元弼誌跋中此誌卽東之
所撰元弼誌云惟東與晦僅存喘息此云余與晦
之以是知之文云大周天授而蓋題大唐東之誅
武之義已蓄於此三年正月卽二年十一月時用
周正也後三誌同

孝廉張慶之墓誌

方一尺三寸一分十五行行十六字正書字徑六分
方界格篆蓋題唐孝廉張君墓誌之銘九字陽文有
格界

唐孝廉張君墓誌銘

并序

君諱慶之字仲遠功曹府君之第三子也儀形簡秀風
神峻整引義望於曾懷轉山泉於襟袖泛覽流略尤明
左氏州辟孝廉不赴燒金未救夢珠徵禍春秋冊有二
以唐之咸亨四率十⑤十七⑥卒於家以大周而殯之
三率⑦⑧六⑨與妻京北杜氏同改窆於安養縣西相
城里君孝友之行冠絕等夷仁恕之情超邁群輩而伯

道不嗣仲宣無後彼蒼者而孰云報施援翰雪泣用銘
幽礎其詞曰 山以玉岬水因珠媚我有明括蒸
蒸匪匱彼美仲子其心貞愿贈瓊化泣薏苡遂遠漢流
東注驪岫西盤棣野風急鵠原②寒扣櫬遺車惟兄惟
弟誰云不痛永絕遺體

右張慶之墓誌慶之亦東之弟世系表亦不載慶
之辟孝廉不赴而誌蓋仍題孝廉字非實也

將仕郎張敬之墓誌

方一尺五寸七分十九行行十九字字徑六分正書
有界格篆蓋題唐將仕郎張君墓之誌九字陽文有
界格在 襄陽

唐將仕郎張君墓誌銘

并序

君諱敬之字封審功曹府君之第五子也耿介不群文藻貫世年十一中書舍人王德奉聞其俊材當時有

制舉而下奇佚召與相見賦城上烏勒歸飛二字仍遣七步成篇君借書於手不盈跬息其詩曰靈臺自可依爰止竟何歸祇由城上冷故向曰輪飛王公嗟味乃推爲舉首文昌以其年幼第不入科以門蔭補成均生高第極將仕郎非□好也遂與諸兄細按經史專以述作爲務唐咸亨四年七月十六日卒於家春秋廿五大周而殯之三禩年六改窆於安養縣西相城里君

未及髫髻允嗣永絕著書無倚戟之童刻石闕鬻環之
女執奠惟弟紀德乃兄撫掇操觚髣髴攢集其辭曰

楊童不秀顏子未實妙跡叅微神機入室嗟尔貞

懿才高漢佚夢蛟翻紙雕龍散筆

其一

陳車夜動馬悵晨

開議深白觀言窮紫臺禍徵斷石悲纏贈

懷

道存金素

書留玉杯

其二

淶池東驚驕山南拒燭乘埋隨連城碎楚

蕭颺風隧蒼茫

⑤

緒仲子封子胡甯忍子

其三

右張敬之墓誌敬之亦柬之弟表亦不載又案元

弼誌云惟柬與晦僅存喘息此誌云執奠惟弟紀

德乃兄則晦之乃敬之之弟而敬之之弟四兄其

名無從攷矣云紀德云操觚則此亦東之所撰也
竊謂慶之誌當亦東之所撰可意會而得之誌述
城上烏一詩可供早慧之典故

八瓊室金石補正卷四十終

八瓊室金石補正卷四十一

太倉陸增祥撰

男 繼輝校錄

吳興劉承幹覆校

唐 十三

開元寺三門樓題刻二十二段

中大三門主支君才等題名

高一尺二寸五分廣八尺七寸題名四十九行

行字不一字徑八九分許中一行八字略大右端二字字徑一寸六分俱正書

大周

在右端

中大三門主合一百

在中間

支君才妻周息文立妻馬立息長卿妻高息客子妻彭

劉師道妻

彭

息慈順妻王息思元思泰順妻父王齊妻

趙

晉府帳內劉公衡妻靳息思誨妻周誨息阿七十一女

六娘

王敬寶妻范弟騎都尉敬山妻高息陪戎尉念思謹思

晦

飛騎尉張元應妻解息貴德妻彭德息總章嘉良

劉德感

妻趙

息彞節

妻徐

息思慎

齊甯遠將軍聶子祥妻段息道相妻謝息神策神劍

縣錄事彭金鉅妻趙息楚璋妻房璋息武騎尉思貞思

均

版授滑州刺史王懷寶妻劉息上柱國宏顙

馬師武妻元息知元妻李息忤仁女二娘金兒

周師行妻楊息法起法濟義節燕客義宏女毛奴

徐名隲妻劉息義賓思運思讓思敬思哲賓息隨害待

獻貢

劉阿感妻鄭息同基妻彭義則妻彭義宏妻彭

高義新妻嚴息雲騎尉幼興雲騎尉仁敬飛騎尉崇敬

女
娘四

斬後嗣妻袁息元道元藝妻張藝息行迺行收行贊

蘇君言妻劉息縣錄事善通妻趙女娘子

壽州霍山縣丞倪基妻趙息將仕郎若冲麟臺卅字若

水

舒州太湖縣丞上騎都尉倪公淹妻張息令則

趙仁遇妻靳息元攬元吉雲騎尉元志姊二王妹阿素

本縣博士上騎都尉王神劒妻彭息獻忠獻可

登仕郎彭山泰妻蘇息文林郎卅節

息將仕郎卅藻節息忠諫藻息忠誠

此二行左行
以上廿二

行在
右

縣錄事張文友妻彭息仁詒女比邱尼五娘小姑

絲錄事柱國靳聘楚妻張息飛騎尉隆福

皇甫文舉妻馬息遠息縣錄事元濟瀟息彥靜

彭君廓妻張息行哀行德倉蒼行謹柱國行簡柱國行

均

謝文遠妻彭息上騎都尉智友上柱國元通息宣

禮

上柱國謝崇基母彭妻馬息光慶光泰光昭光輔

閻士安妻侯息客師妻劉師息上柱國嘉慶元恪嘉禮

宋相仁妻張息大安志寬妻閻覽息脩隱脩泰文法瓊

雲騎尉趙義才妻宋息仁重仁節仁起節妻梁女仙質

范阿買妻趙息道海惠海之法之意雲騎尉惠德

襄州穀城縣丞王德威妻彭息宋州虞城縣丞素思妻劉

王阿永妻劉息文幹妻周文念妻彭念息孝才上柱國

孝

德騎都尉孝哲上護軍孝謹宏禮宏亮思仁思賁

楊同長妻彭息永徽妻田息元爽妻周下泐

彭知花妻周息輕車都尉萬齊妻息景琛

武騎尉宋之安妻章息雲騎尉元幹護軍元雋

上騎都尉楊善相妻張息騎都尉待封待聘待赦女大

娘

韓士瓌妻馬息如意妻李意息欽賢妻衛息思東

韓繼升妻衛息君客妻徐客男守義妻張女三妃

馮君衡妻李息文藝妻劉文質妻支騎都尉文詵妻王

文

宏妻蔡女尼寶素藝息元瞻妻周元恪宏息元國元靜

高胡子妻劉息行矜妻趙行通董息懷惲懷慶

吳仁感妻和息元智妻蔡息嘉祥嘉及業義

吳元爽母和妻馬息嘉遠嘉祚嘉履歸仁

趙茂通

妻李

息上騎都尉知恭

妻張

息雲騎尉憲貝

妻蘇

縣錄事周法濟

妻劉

息平州白候戍主子邕息陪戍校尉

騎都尉元瓌

右丞相妻康息知禮妻靳禮息惠舉女惠果惠朋

以上廿七

行在左

右中大三門橫梁題名以烏絲闌爲界每書一行或空一二三行不等橫梁中間題大字一行云中大三門主合一百今就題名計之多至二百數十人與一百之數不合案題名中有齊甯遠將軍聶子祥妻段三門樓造於如意年間上距北齊已百餘年意其子若孫爲之追書其祖父之名於上耳卽此可證題名中凡高曾祖父牽運而書者不必其人之皆存也所

云合一百殆就其見存者大數言之耳隋百官志載齊制有鎮遠安遠將軍而無甯遠將軍後魏後周及隋皆有之案北齊書王紘傳天保初加甯遠將軍是北齊亦有甯遠將軍知隋志爲漏略矣題名中有官職者凡五十三人除麟臺正字倪若水外他多兩唐書不載舊書武后本紀光宅元年九月甲寅改尙書省及諸司官名唐會要祕書省龍朔二年二月四日改爲蘭臺其監爲蘭臺太史少監爲蘭臺侍郎丞爲蘭臺大夫咸亨元年十月二十三日各復舊額光宅元年九月五日改爲麟臺監等並隨名改神龍元年

復爲祕書省唐六典祕書省正字四人注云掌詳定
典籍正其文字倪若水新舊唐書並在良吏傳案舊
書本傳稱若水恆州稟城人開元初歷官中書舍人
計其登第入仕時當在武后初年正與題名相合其
卽一人無疑惟兩書本傳不詳其父兄名並不言其
爲麟臺正字此可補史之缺又若水父倪基列銜壽
州霍山縣丞息將仕郎若冲新書地理志淮南道壽
州領縣五舊領縣四三曰盛唐本霍山漢濩城縣武
德四年以霍山應城濩城三縣置霍州貞觀元年州
廢省應城濩城以霍山來屬神功元年曰武昌神龍

元年復故名開元二十七年更名又五曰霍山上天
寶初析盛唐別置案倪基之爲霍山縣丞當在如意
以前非天寶別置之霍山也又題名中有支君才舊
唐書孝友傳有支叔才定州人隋末荒饑夜丐食野
中還進母爲賊執欲殺之告以情賊閔其孝爲解縛
母病癰叔才吮瘡注藥及亡廬墓有白鵲止廬傍高
宗時表異其家君才未知是其兄弟否又列銜有曰
舒州太湖縣丞平州白候戍主案太湖卽太湖屬舒
州見唐書地理志太作汰別體字又新書志河北道
平州有溫溝白望西狹石東狹石綠疇米磚長楊黃

花紫蒙白狼昌黎遼西等十二戍而無白候戍蓋地
志之疏也唐六典云上戍主一人正八品下中戍主
一人從八品下下戍主一人正九品下新書志云每
五十人爲上戍三十人爲中戍不及者爲下戍又云
戍主戍副掌捍防守禦白候戍之爲上爲中下不可
攷矣其他列銜有曰晉府帳內案唐書皇子及宗室
封晉王者高宗而外惟敬宗長子悼懷太子曾寶厯
元年封案悼懷封晉之事上距如意已百數十年此
當是高宗爲晉王時之帳內然高宗以貞觀五年封
晉王十七年立爲皇太子下距武后如意中亦有五

十一年之久劉公衡爲其帳內此時如在年亦將七
八十矣要之門樓柱主題名一人助緣率皆高曾祖
父牽連書之不必其人之皆存也唐六典親王府官
屬有帳內府帳內六百六十七人掌儀衛又云凡王
公以下皆有親事帳內限年十八已上舉諸州率萬
人以上充之題名中別體字如支作攴劉作劉戎作
戎段作段鋼作鋸鄭作鄭聘作聘成作戎之類甚多
其他如肅卽載卽正惡卽臣皆武后所製字 以
上題名在中大三門中間大門柱上橫梁南面其北
面無字橫梁右端與柱鬬筍處刻大周兩大字題名

凡五十行

常山貞石志

常山志載此有譌處皇甫文舉妻馬沈氏作馮審之左旁石微泐非字蹟也行良誤作行裏周法濟誤作法齊題名四十九行沈氏謂五十行者合中題中大三門主一行計之耳

大門柱主張君相等題名

共高一丈四尺二寸五分廣一尺五寸第一截三列

共十七行行字不等行書

大門柱主

在柱端居中正書字徑四寸許

版穰滄州壩山縣令張君相

妻劉

版穰徐州彭城縣令弟孝愔

妻李

二行一列字徑二寸許

息花成寺僧文道

息州錄事文宏

妻此二行在君相下
字徑九分下同

息登仕郎濮毫二縣主簿文通

妻

息騎都尉縣錄事文茂

彭此二行在君相下
以上四行為弟二列

宏息西王母觀道士仁則

昭武校尉掄城戍主仁法

妻劉

騎都尉成均館學生仁瓚

妻王

通息左豹韜衛長上陪戎尉藝

妻李

友息陪戎副尉仁詮

妻賈

仁簡

妻趙

仁門劉妻

仁禮劉妻

友息陪戎副尉仁節劉妻

息昭武校尉上柱國仁芳妻
此十行為第三
以上第一截

右題名列銜有版穰滄州鹽山縣令版穰徐州彭城
縣令穰即授武后所製字鹽即鹽集韻鹽廬鹽字下
注云或省亦從土此作鹽乃從土又省鹵作肉爾又
列銜有掄城戍主唐書地理志無此戍名又有成均
館學生唐會要國子監武德初為國子學隸大常寺
貞觀元年改為監龍朔二年改為司成館咸亨元年

復爲國子監光宅元年改爲成均監神龍元年復爲
國子監新唐書選舉志云國子學生三百人以文武
官三品已上及國公子孫從二品已上曾孫及勳官

二百人以五品已上子孫職事官五品替親若三品
曾孫及勳官三品已上有封之子爲之四門學生千
三百人其五百人以勳官三品已上無封四品有封
及文武七品以上子爲之八百人以庶人之俊異者
爲之諸學生通二經俊士通三經已及第而願留者
四門學生補太學太學生補國子學國子監改爲成

均監在武后時至神龍初始復故名三門樓造於如意中正國子改爲成均之後此稱成均正相符合惟仁瓚之祖係縣令父爲州錄事兄僅昭武校尉戍主於唐制不應充國子學生豈其曾祖位亦顯達援從二品已上曾孫之例得入成均歟或始以俊士充四門學生通三經已及第願留習業由四門而薦補成均歟是皆不可知矣又列銜左豹韜衛長上唐六典左右威衛注云隋初置領軍府煬帝改爲左右屯衛皇朝因之龍朔二年改爲左右威衛別置左右屯衛光宅元年改爲左右豹韜衛神龍元年復爲左右威

衛舊唐書職官志諸衛長上各二十五人從九品下
又題名稱文宏息仁則爲西王母觀道士元和郡縣
圖志恆州平山縣有房山一名王母山在縣西北五
十里漢武帝於此山上立祠今王母觀是也太平寰
宇記鎮州平山縣有房山引隋圖經云嶺上有王母
祠甚靈俗號爲王母山後漢章帝元和三年幸趙祠
房山卽此在縣西北五十里新唐書王鎔傳云房山
有西王母祠鎔數遊覽踰月不還新五代史王鎔傳
云鎔與道士王若訥留遊西山登王母祠每出踰月
忘歸漢書地理志蒲吾縣有鐵山卽房山亦曰西山

胡三省通鑑注云鎮州西山謂之房山上有西王母

祠王母祠蓋卽王母觀也

常山貞石志

三門主路待賓等題名

第二截上刻佛象無題字此在右方二行行字不一字徑

六分行書

三門主路待賓

妻息仙之

之妻王

暉妻張

之息希

昭 希良

希逸

女什七娘

暉息希光

希嶠

女什口娘

之息希昭常山志脫之字

象主成難及等題

第二截佛象下共六列上三列每列象四題名四行在路待賓題名

之左下三列每列象五題名四行又柱右校題名二行左行行字均不一字徑五分許並正書

及女比邱尼法滿尙

感女比邱尼阿忤尙

忠女比邱尼淨心尙比邱尼淨愛尙

文女比邱尼仙妃尙

以上四行
第一列

感息父衍息三兒

清信士成行感

順女比邱尼觀音尙

順女比邱尼八珠尙

以上四行
第二列

忠息成難及騎都尉

三兒息信信息阿忠妻張

感妻彭

有妻王 三兒妻彭

以上四行
第三列

貞息希逸

貞息希□

忠息思貞妻張

難及妻張

以上四行
第四列

及息進玉 玉息如林

外事崔休忙妻成

貞女五娘七娘

進玉妻徐

以上四行
第五列

阿大女大娘

文微外事董阿大妻成

外事王進芬妻成

外事張同邱妻成

以上四行
第六列

宜安鄉標德村象主成難及姊妹兄弟同造釋迦連尼

佛

救苦觀世音經一卷 合家普同供養

此二行左行
刻柱右棱在

下三列
之右

右題名佛象在第二層所云救苦觀世音經一卷此

柱無之蓋此柱唯南向一面有字豈年深剝落經文

從而遺佚邪宜安鄉已見前標德村之名棗城縣志
不載成行感之息文徭徭字字書無玉篇有徭字與
從同疑卽此又成氏女爲尼者凡七人其名皆稱某
某尙說詳後晉州修寺造鐘樓碑跋又有成氏之壻
四人皆稱外事未詳何義

常山貞石志

法湔尙湔當卽滿字常山志誤作滔文徭徭誤作
徭要亦字書所無大娘娘誤作姐連卽牟誤作牟
其下并誤空一格尙者和尙之省文沈氏所言良
是

解慧寺三門樓讚

第三截十八行行五十五
十一字字徑五分行書

解慧寺三門樓讚

并序

朝請郎行棗城縣主簿李宥

撰後魏興和二年置寺名之靜觀大隨開皇十一載也

改創

解慧

爲文北近滹沱大川西負井陘巨鎮山勢邈

迤依依目前河流潺湲繚繞金剎寶殿昔立長廊舊成

門之不修梵宮未脩去如意年中有高僧日寶

弃世後

道秉心安禪悟真如達無生白日雨天花爲香清夜擁

毒龍爲衛顙修佛事隨喜興功大聖啓心羣生響應乃

親自仗錫詣乎山林尋高松求巨石良工度木剡之爲

棟山神指石石化爲柱旣人神平勑力乃何往乎不濟

然後雕朱粉鏤文彩基上爲門門上爲樓三門之義其

大矣哉是將化羣俗崇善因悲火宅之將焚引凡愚於
淨界雙林之地寶樓化域有千般蕙草明媚於前列百
丈高林鬱盤於後清心一陟如登刀利之天梵宇徧遊
悉獲菩提善果頃北虜南侵河朔驚震城郭宮室列火
而焚父子兄弟揮刃而死大師樓上墮身而下毫髮無
傷口誦佛頂神經刀仗乃向身而斷壞心持救苦之念
寶樓乃火不能燒胡驍□羣啓賴而□北有鷹塔建乎
齊朝香刹上凌青雲登陟迥超三界爲蒼生大棧令迷
津自達彼岸鎮滹池巨水乃河龍不敢南侵此乃寶公
前生所造人傳聖跡悉有明徵寺內耆德際海童子出

家清心入道爲梵宮之主繼前聖之心上坐崇俊小年
披衣□立大功建寶堂於常住精持般若開釋教於蒼
生同力禪宮俱成佛事維那法廣性明了智通惠爲僧
衆之領袖秉伽藍之紀綱合寺僧徒悉皆清淨少長有
禮威儀不忒持鉢同歸想祇園而目覩洗足圓坐如釋
迦乎斯在余一尉於此又簿於是向五稔焉春秋廿有
四也性狂簡非佛法忽經戎傲三寶出入以漁獵爲樂
饍食以酒肉爲味之逸其性三塗業成有大法師曰珠
言余之義兄也身長七尺江目海口心明玉鏡色淨蓮
花演大乘經救蒼生於此邑至四月初結夏茲寺招余

往來初言禍福之門再指吉凶之道啓我如是令歸善
國余知昔非稽首從命謂余曰聖跡如是大功無紀千
歲之末誰人共傳子其誌之請不辭也敢不承命書詞
後焉其詞曰

大師寶公能安禪 至今日乎一百年 造門棲乎金
刹前 念救苦兮賊不害 力禪通兮火不然 成大
功而反三天 故有爲以入無爲 結有緣乎福無邊

大厯十二年六月六日記 周羸金書 尙獻鵬
右解慧寺三門樓讚朝請郎行臺城縣主簿李宥撰

周嬴金書寺名解慧而金石錄作慧解蓋轉寫之訛
漢書韋賢傳黃金滿籛如淳注籛竹器說文籛與笱
互相訓而無籛字廣韻籛字注兼采說文笱義又云
亦作籛則籛籛籛三字皆可通矣嬴金署名本不從
竹近人刻金石錄者輒改爲籛字雖若于義無害然
人名不宜用假借字由未見石刻而以臆決之爾碑
書稽顙之稽爲啓忉利天之忉爲刀皆假借也
潛研堂跋

尾

右讚李宥撰周嬴金書宋以來金石家皆見著錄宥
嬴金兩唐書無攷正定府志云開元寺在府治南一

名解慧寺魏興和二年建唐乾甯五年重修唐昭宗
乾甯止四年志云五年者蓋改元光化在元年八月
修寺之舉想在八月以前故猶稱乾甯也據讚序所
云寺創後魏始名靜觀至隋改名解慧但不知開元
之名起於何時攷唐會要天授元年十月二十九日
兩京及天下諸州各置大雲寺一所至開元二十六
年六月一日並改爲開元寺則開元寺乃大雲寺改
名何以解慧寺亦改開元而大厯時仍稱解慧皆不
可解竊意此本北朝舊刹天授時改爲大雲開元時
又改開元而解慧之名並稱不廢作讚時仍書舊號

耳寺中有塔九級高一十六丈餘府志所謂開元之
磚塔是也序云北有鴈塔建乎齊朝據此知志稱塔
始於唐之誤解慧金石錄作慧解蓋傳刻之誤此柱
爲中大三門樓中間大門東首一柱惟南向一面有
字及造象餘皆無此面有柱主題名一層佛象一層
供養象題名一層三門樓讚一層凡四層

常山貞石志

常山志所載有譌闕去如意年中缺去字度木度
誤庶胡驍驍誤曉耆德耆誤者崇俊俊誤後小年
缺小字余一尉又簿五稔缺余又稔三字造門樓
造誤過反三天反誤百又毒龍之毒依石本摹錄

而缺其兩點幾不可識珠言之言與下初言之言
無二亦依石本摹錄遂無此字矣茲悉正之又立
大功上似能字逸其性上似寵字故有為之故似
設字

大門柱主彭襲威等題名

大門柱主

在柱端居
中正書

彭襲威

妻馬

版授懷州長史李伏奴

妻彭

以上二行
為第一列

息守義

妻高

息義節妻衛

息慈言妻周

息慈愛妻馬

息慈訓妻靳

此五行在
翼威下

息義感妻劉

息義宏妻劉

此二行在伏奴下
以上七行為弟二列

義息元琛妻耿

即息元寂妻靳

言息南山妻馬

愛息重古

此四行在
守義等下

感息如意妻趙

宏息師質妻賈

息師叡妻趙

息仁明妻魏

息花成寺僧思忠

此五行在義感等下
以上九行為弟三列

愛息奴子

愛息阿冲

訓息師子

此三行在
元琛等下

息思安

妻張安息元纂

質息阿璋安息元伯

叡息負旭負滿

明息貪廣貪則

貪興

此五行在如意等下以上八
行為弟四列以上弟一截

王吳八造經象題名

弟二截三列弟一列佛象弟二
列心經十七行行十七字弟三

列供養象象右題字
一行十六字均正書

佛說般若波羅蜜多心經

經文不錄

以上弟
二列

王吳八為亡息璆芝造蜜多心經一卷

此弟三列
以上弟二截

吳難過女造經象題名

弟三截三列弟一列心經十
六行行十九二十字不等弟

二列佛象弟三列刻象
五題字七行均正書

佛說般若波羅蜜多心經

經文不錄

以上弟
一列

過息騎都尉崇晨 武騎都尉思□

清信士吳難過

過女爲亡過父母敬造釋迦牟尼佛一鋪

過妹比邱尼普賢尙志

下及師僧

□□□□

過女比邱尼法真供養展女比邱尼二禪

此七行爲
第三列

以上弟
三截

右柱主題名一層佛象二層心經二卷二層供養象

題名二層凡七層在中大三門中間大門西首大門

柱上南面餘三面均無字

常山貞石志

此柱未得拓本據常山志錄入

柱主翟長義等題名

其高八尺七寸廣一尺五寸兩截第一截五列共十三行字數

不一下刻佛象均正書

主柱端居中字四寸計

版穰瀛州清苑縣令翟長義

劉妻

堪息仕劉張

版穰冀州南宮縣令弟長堪

王妻

以上弟一弟二

列

息元測

妻

女恭姜

息元爽

妻賀

此三行在仕剛下為第三列

息思貞

妻張

息思齊

女妙相

此三行在元測下

息思聞

女妙姬

女貞果

此三行在元爽下以上六行為第四列

貞息武慶

此行在思貞下為第五列

右題銜版授瀛州清苑縣令翟長義舊唐書地理志

瀛州上隋河間郡武德四年平竇建德改為瀛州領

河間樂壽景城文安束城豐利六縣景雲二年割鄭
任邱文安清苑四縣置鄭州是景雲以前清苑本屬
瀛州此題在武后時稱瀛州清苑縣令正與志合苑
作苑古通用字

常山貞
石志

諸葛知微造經象題名

第三截刻經十二行行字不
計正書經右題名一行廿一

字行書字均從五分許下刻供
養象九再下刻佛象均無題字

諸葛知微

妻張

息暹之

妻耿

孫男彥暉二奴孫女進妃

經文不錄

上半磨泐僅存行末數字
經左似尚有題字亦已泐

右柱主題名一層佛象二層供養象并題名刻經一
層凡四層在中大三門東第二柱上南面餘三面無

字 以上三柱并橫梁一爲中間一層三門樓石柱

現存四柱其最東一柱無字

常山貞石志

大柱主杜世儔等題名

共高一丈一尺三寸連校廣二尺一寸五分三截第一截

三列共十行正書下刻佛像無題字

大柱主杜世儔

妻胡

此行大字居中字徑三寸許以上第一列

息才智

妻劉智意思誨

妻周智女大娘

女阿二

女三娘

女五娘

女七娘

女八娘

智息解慧寺僧普明

此九行為第二第三列字
徑寸二分 以上第一截

大功德主劉神縱題名

第二截題名八行分刻左右
兩棱中刻心經十六行行十

九字均徑五分正
書下刻佛像無字

大功德主中

山劉神縱合

家供養

此三行在上佛像右旁柱
棱上左行下刻供養象一

縱妻隴西

李氏供養

宗妻李氏

供養

此四行在上佛像左旁
柱棱上下刻供養象二

息歸宗歸真供養

此行在柱右棱劉神縱題
名之下右刻供養象一

佛說般若波羅蜜多心經

經文不錄

下刻佛像
以上第二截

功德主李龍題名

第三截心經十六行行十八至廿
二字不等字徑四分下刻佛像題

名五行在佛像左右柱棱
上字徑六七分均正書

般若波羅蜜多心經

經文不錄

此下刻
佛像

功德主

李龍

男太子

此三行左行在佛象右
柱棱上下刻供養象二

龍妻安陵

吳

此二行在佛象右柱棱上下
刻供養象一 以上第三截

右佛象右旁柱棱題名三行右讀男名太子女名某
妃唐以前石刻多有之安陵縣隸河北道德州見唐
書地理志 以上大柱主題名一層佛象三層一層
無題字多心經二卷二層凡六層在迤南門樓中間
大門東首柱上向南一面

常山貞
石志

三門主劉承恩等題名

共高九尺八寸五分廣一尺
二寸六分四截第一截十行

行列參差不齊約以
三列計之正行兩體

三門主

柱端居中字徑二寸二分正書

汾州崇儒府左果毅劉承恩妻段息兩軍

前版授彭州九隴縣令後授金州司馬馬師言

妻周息妻馮

思惲任原州牧□□義□

劉神縱妻李息歸宗息歸真女滕兒

張太甯妻李女大娘

郭買奴妻梁息嘉貞嘉賓

侯仁亮妻范女二娘

孫思曠妻王妻母呂息歡喜

郭鳳祥妻武女光兒

安謹卽妻曹息嘉祥息嘉順女娘子寶兒

甄思貞妻侯姪男明惠

以上弟一列正書字徑寸許

邢相子

妻王

□□威

妻張

威息

□太

妻

息阿誨

女嚴淨

□思旭

妻蘓

旭息遊彥

王受仙

妻彭

息嗣宗宗息重古

靳迥照

妻周

息洪則息元誨則息承仙

周九郎

妻

息元忠息洪楷、息仲仙

李義哲

妻劉

徐文貴

妻高

侯義

妻禮

呂

彭山受

妻馬

息洪攬

妻張

息

洪顗

妻劉

攬息崇太

妻太

息福鄒攬女四娘

女六娘

以上十行行
書為第二列

張顥

妻楊息阿遙妻遙息

此在第三
行重古下

雲騎尉進慶

妻王

息小曲

女七娘

進士李思盛

妻彭

進士文禕

鄭禕息子罕息子固女四

娘五娘

李伏寶

妻耿息

行感妻感息思益息僧

道深息元過感女阿娑

女惠藏女光兒

此八行行書為第三
列以上第一截

右題名有汾州崇儒府左果毅劉承恩案新書地理志汾州府十二有崇德而無崇儒新書地志於軍府之名漏略者甚多此其一也舊書職官志云諸府有左右果毅都尉各一人又兵志云太宗貞觀十年更號統軍爲折衝都尉別將爲果毅都尉諸府總曰折衝府凡分天下十道置府六百三十四新書作六百通攷作五百七十四皆有名號而關內二百六十有一皆以隸諸衛凡府有三等兵千二百人爲上千人爲中八百人爲下府置折衝都尉一人左右果毅都尉各一人又第三行題名有劉神縱其名已見前其他字體之

別如儒從彳猶沿北朝之習

常山貞石志

常山志所載原州下缺牧字義上作思審之似是
息字姑缺之義下作□□審之是一大字非二小字
也邢相子下缺妻字思旭上作息連綴於義□□之
下審之字已磨泐下半有一長橫決非息字疑別
一姓並非馬氏之息也上係正書此係行書字蹟
亦不類息仲仙上缺、自息元忠至仲仙三人疑
是靳迥照之子若孫而緊接周九郎妻□之下仍依
石本錄之崇太之崇誤作崇

史威武等題名

第二截六行行字不
一字徑七分行書

史威武妻溫息守一妻趙一息行

實妻田一息澄虛觀道士至寂

版授冀州長史彭蒙信妻周

息阿毛妻高息士應妻劉應息

奉景毛女樹兒□上騎都尉

□□

右題版授冀州長史彭處信唐六典云長史掌貳府
州之事以紀綱衆務通判列曹歲終則入奏計又處
信息名阿毛案毛卽三字海篇云蠻人呼參爲毛轉
聲爲三今山東沂州府費縣有毛陽鎮行唐縣西有

毛趙村皆呼作三澄虛觀無攷

常山貞石志

末一字似文

張曷等題名

第三截六行行字不一正書

故安州安陸縣主簿張曷息釀母邢前定州安平縣令

女

周毛郎妻息阿伏妻伏息懷礼妻息待封妻劉伏女法湍

礼息阿琛 封女阿觀二娘

邢仁贊妻息雲騎尉崇寂妻息雲騎尉崇真妻息雲騎

尉崇福 女娘子 孫男思訓 師子

彭大通妻息文暹妻暹息都督 達拏 女貴勝 不

弱

邵毛道

妻朱

息守慈

妻荊

女他兒

慈女羅兒

徐德表

妻口

息元應

妻何

應息

仁

靜

妻張

息仁愛

妻趙

息仁重

妻張

息仁誨

女王妃

智慧

右題名張曷母邢為前定州安平令女案元和郡縣志定州屬河北道管縣十無安平縣安平屬深州新書地理志云深州武德四年以定州之安平瀛州之饒陽置尋徙治饒陽貞觀十七年州廢縣還改屬先天二年以瀛州之饒陽冀州之鹿城下博之武強定州之安平復置據此知貞觀十七年已後先天二年

以前安平爲定州屬縣至乾元元年重置深州安平始還故屬題名在武后時安平正屬定州適相符合益信三門樓之造於如意年中其言爲不誣也

常山貞石

常山志缺宋字靜上仁字尙有偏旁可辨

暉妻鄭等題名

第四截六行行三字四字字徑八分左行正書每行下各刻象一

暉妻鄭

融妻馮

太女□三

女六娘

女四娘

女二娘

以上弟
四截

右題名下各刻婦女象一北向曰暉曰融者即此柱
東面末層之李敬暉兄弟也此其妻女姓名耳以
上三門主題名三層供養象題名一層凡四層在柱

西面 常山貞
石志

三門主李師利等題名 共高一丈一尺廣一尺一寸
分三截第一截九行行列不

齊共十九行字
徑七分許行書

三門主 柱端居中字徑
三寸許正書

版授懷州長史李師利 妻息前朝鮮郡王府叅軍女展

妻息雲騎尉伏道張息騎都尉任重妻劉

上柱國版授陝州硤石縣令後授陵州司馬趙行端妻

陳息右翊衛遠拓妻息左翊衛遠慶妻張拓息楚珪慶

息楚珪末三字在後一行成疎下

鄧州魯山縣承新孝虔妻息楚客妻息魯客妻楚息成

旦息成發息成基客息成慶成疎

彭懷惠妻馬息全保馬妻保息方朔

賈客生妻和息神威

路仁惠妻高息守貞

妻賈息守忠妻郭

貞息嘉祥忠息元陳

貞女大娘二娘三娘四娘

此九行為一列

韓仁德妻彭息待賓妻張息待封息珪瓚妻彭

息楚王息楚威賓息守廉瓚息守務

此二行在方朔神威下行首與

後行都字齊

上騎都尉劉文徹

妻周息清太息帶

劔太息知悌息

知誨劔息毛兒

此四行在守貞等下

鄭法護妻彭息知礼妻馮礼息淨

眼息知權 李道買妻王息生子

妻何生息元珪元鳳女大娘二娘三

娘四娘五娘六娘

此四行在
文徵等下

右題名有版授懷州長史李師利上柱國版授陝州
硤石縣令後授陵州司馬趙行滿舊唐書武后紀云
嗣聖元年二月戊午廢皇帝爲廬陵王立豫王旦爲
皇帝大赦天下改元文明新書云賜文武官五品已
上爵一等九品已上勳再轉老人版授官賜粟帛三
門樓造於如意中李趙二人疑卽此時版授趙之上
柱國是其本有之官故其子得選充翊衛所云後授

陵州司馬者蓋武后自文明稱制嵩嶽登封每遇改元及國家大典內外官必轉階賜爵此當是文明後遇恩進授之虛號三門樓讚謂三門樓造於如意年中則趙之加授司馬亦當在如意以前又列銜有鄧州魯山縣丞靳孝虔據元和志新書地理志皆言武德四年於魯山縣置魯州貞觀元年州廢以縣屬伊州八年改伊州爲汝州縣仍屬焉無割隸鄧州事蓋地志之漏略矣又師利息文展列銜前朝鮮郡王府叅軍唐六典王府參軍事二人正八品下掌出使及雜檢校事案唐封朝鮮郡王者惟高麗國王高藏祖

孫二人舊唐書高麗傳云總章元年十一月李勣拔平壤城虜高藏等十二月至京師獻俘授藏司平太常伯儀鳳二年授高藏開府儀同三司遼東都督封朝鮮王居安東鎮藏至安東潛與靺鞨相通謀叛事覺召還配流邛州永淳初卒垂拱三年又封藏孫寶元爲朝鮮郡王此稱前朝鮮郡王府叅軍爲其祖孫府僚無可疑議爲藏爲寶元未知孰是又列銜有左翊衛右翊衛案唐六典左右衛有親府勳一府勳二府翊一府翊二府等五府中郎將各一人掌領其府校尉旅帥親衛勳衛之屬以宿衛而總其府事又左

右驍衛左右武衛左右威衛左右領軍衛左右金吾
衛左右羽林軍皆有左右翊中郎將府各設中郎將
一人領其府事人數品秩如左右衛又太子左右衛
率亦有親勳翊三府又六典云凡左右衛親衛勳衛
翊衛通謂之三衛擇其資蔭高者為親衛取三品已上子二品已上孫其次者為勳衛及率府之親衛四品子三品已上孫為之曾孫又次者為翊衛及率府之勳衛四品子孫職事五品子孫三品已上孫又次者為諸衛及率府之翊衛孫若勳官三品有封者及國公之子為之又次者為親王府執仗執乘五品已上並柱國若有封爵兼帶職事官為之散官五品已上子孫為之凡三衛皆限年二十已上云云趙行滿

列銜爲上柱國比正二品故其子得爲左右翊衛耳
常山貞
石志

硤石新唐書地理志作峽硤峽通常山志圭瓚妻
下脫彭字楚威上脫息字

米山德題名

第二截右方二行行十三
十四字字徑七分行書

梁州盤和縣上輕車都尉米山德

妻安息羊兒妻李女大娘羊女淨光

右米山德列銜稱梁州盤和縣上輕車都尉和字即
行書和字兩唐書地理志山南道梁州無盤和縣案
元和郡縣圖志隴右道涼州天寶縣本漢番禾縣屬

張掖郡北涼沮渠蒙遜立爲番禾郡後魏太武帝平涼罷郡置軍開皇三年改爲縣皇朝因之天寶中改爲天寶縣亦見兩書地理志番禾前後漢後魏隋志太平實字記皆作番和則知作禾字者誤又漢書地理志如淳曰番音盤則番盤乃同聲相假字盤和卽番禾無疑又新書志云涼州天寶縣本番禾咸亨元年以縣置雄州調露元年州廢來屬天寶三載更名三門樓創於武后時正在州廢屬涼之後天寶改名之前縣稱盤和正相符合惟番和係屬涼州其地與梁州相距遼遠斷難割隸豈操管者因梁涼音同率

爾誤筆耶

常山貞石志

常山志缺德字

宗息希倩等題名

弟二截左方刻供養象三象上題字五行字徑五分左行行書

宗息希倩

供養

弟希庄供

養

弟希玉

石此層與南向一面劉神縱所刻心經相並云神縱息歸宗此云宗息又歸宗之子也題名下刻唐衣冠

者三人皆手持蓮花拱手南向猶香花供養之意凡柱上刻有經文佛象者其上下層或兩旁皆刻已象以狀供養雖婦孺亦然向南一面第二三六層皆如此一代衣冠於斯略見誰謂金石無補典章哉

常山貞右志

常山志缺倩字

聶行感題名

第三截右方二行字徑七分正書

聶行感

妻趙

息思元

妻李

息洪益

妻謝

女海

歲

元息季子

寅

寅

彭德琮

妻李

息花成寺僧法虔

男敬顯等題名

第四截刻象五又童子象二題名七行字徑八分許左行正書

男敬顯

男敬宗

男敬□

男法融

男敬暉

孫重寧

孫協合

合家供養

右題名稱男某而無其父姓名似與南面末層佛象相屬蓋即李龍之子也此柱西面末層有暉融二人

妻女題名可證題名下各刻本人供養象皆手持蓮
花南向迤北童子二即題名所云孫重甯協合也此
面凡三門主題名一層題名三層內二層有刻象在
迤南門樓中間大門東首柱上東向一面 以上三
面爲一柱北面無字迤南門樓中間大門東首大門

柱也

常山貞
石志

八瓊室金石補正卷四十一終